

箕

村

集

篁村集卷六

上海陸錫熊耳山撰

古今體詩五十六首

題德安縣清泉亭

崖根石液瀉雲肝  
縷轉銅瓶百尺闌  
動髮半規聊鑒影  
澆腸一掬亦愁寒  
未曾內熱空勞飲  
不混常流便耐看  
何限人間方齒冷  
甃邊莫更起微瀾

安義山中紫薇花最盛  
田家以編籬落爛漫彌目

戲題一絕

紅紅白白儘天斜  
屋角蒸開萬朶霞  
我是中書老郎舍  
一茶來看紫薇花

奉新夜宿題徐氏樓壁

七月初三日

叢桂吹涼葉蘭池暑氣澄  
南州下懸榻西閣就明燈  
纖月初三夜高樓最上層  
無眠愁擁被已覺怯吳綾

抵高安

百里筠州道崎嶇爲雨長  
橋危騎劍脊坂曲繞羊腸  
卽色昏牛市江聲動女牆  
東軒無長老投宿定何方

蘇子由謫

筠州築東軒人稱爲東軒長老

誰家

脆管嬌絲傍夕催誰家燈火下樓臺不妨樽酒陪陶穀  
豈分橐韉送李回益野二星原戲耳東方千騎亦豪哉  
十年未厭承明直投筆翻思乞郡來

贈臨江李漚川太守

我來江上聽歌聲飯豆連村買犢耕綠樹罨城秋色迴  
紅箋圍座長官清艱難借寇三年意牽挽留髡一宿情  
原是梅花廳裏客還朝合作水雲卿

臨江吸川亭舊傳王荊公生處感題二絕

抱送當年事不輕元豐相業有公評生兒誰遣知行劫  
垂老重蒙大畜名

洛蜀波流到靖康初心那復料穰郎便須翻却圍城案  
不問舒王問肅王

新淦江上二首

屈摺緣江路閒鷗喜漸親亂檣森似竹斷塔矮如人指  
動思紅鬣心清愛白蘋何時把歸舵烟水下通津

三十三峰好雲生何處谿

新淦玉笥山有三十三峰

重泉遙掛樹急

漲忽侵蹊帽側槐花糝衣沾豆葉泥無情水楊柳猶放

鵲鳩啼

周公瑾墓下作

在新淦

無復周郎顧樵歌上隴行小橋還配食諸葛柰同生水  
繞巴邱戍山連白下城如聞孫討逆吳郡亦荒塋

峽江七夕

睥睨窺江黑連峰峽口陰蟾痕秋約鬢蒼思晚生襟樹  
捲明河影樓傷獨客心京華五千里何處聽寒砧

過吉水丞張君官舍題贈二首

張同里人

廿載憐微宦栖栖戀斗升鬢緣衰後鑷壺向食前蒸兒

女能諳客江山不負丞故鄉耆舊盡訊問一沾膺  
侵晨開北戶邀我上虛廳幔借柅欄綠牆攔筆竹青放  
衙呼鴨伴判案問魚經吏隱堪投老無爲歎滯冥

吉安喚渡二首

七尺烏篷翦急流青原山翠上眉頭長風研出銀光紙  
白鳥蒼烟望吉州

墨渚螺川水抹坤筆床茶竈要重溫預愁十月歸舟晚  
減却紅蕪兩岸痕

廬陵文信公祠

宋家已失獨松關丞相遺祠傍故闌朱鳥何時聞慟哭  
黃冠有客望生還榜頭小錄人爭弄獄底遺書史不刪  
我向南溟雪餘涕浪花捲屋弔厓山

吉州雜題四首

景龍司戶扇遺風丞相平園蔓草中惟有祖山青石版  
瓣香斜日拜涪翁

排岸司前十字文南唐鐵繡寒雲凌波渡口帆千葉  
不是銀標水上軍

溶溶香水黦臙脂象曲闌干玉女池羅襪不來裙草綠



螺山新月想蛾眉

四大飄然剩隻鞦月光水觀鏡同揩當時絕倒東坡老  
踏破禪關米市街

苦熱十六韻

七月十一日  
泰和道中作

昨歲偏槍嶺三更夜打包

去年扈  
以是日出古北口

蹕秋獮

今朝撫

口道百里午鳴鞘大地風輪寂炎官火繖交穉商萌乍  
坼蕊暑氣安撓衆壑昏埋腹千林靜擁梢喘牛疲歷坂  
息烏倦依巢澗渴愁猿掛泉寒憶虎跑可憐蟲化倮頗  
訝室炊庖沁齒冰思嚼撐胸飯怕抄黔來知炙面漬處

看流骸方麴揮應厭單衾睡欲拋就陰難擇木借冷試  
拳菱未羨清涼散終慚襦襖嘲溪山違白苧瘴癘逼黃  
茅快閣雲中幔澄江水上匏空期碧筒飲萬柄雨聲敲  
贛江至泰和名澄江  
黃山谷快閣在其上

御巷在泰和宋隆祐太  
后避金兵過此

鳳輦何時到宵烽此暫休飄零散紅帔跋扈起黃頭福  
薄言終驗時屯涕不收金花潭上水嗚咽尙爭流

### 萬安縣

縣牆圍薜荔陰色上睂初山翠衝檐落江濤射枕虛梟

藏林月黑螢定竹風疎不見桐鄉葬中宵拭袂餘姊壻  
凌君  
應蘭嘗宰是邑  
卒官已數年矣

一滴菴小座

澁徑衣苔繡短幢禪房初呀起鳴厖鈎鞋路占三分石  
豔鼎茶翻一滴江屈竹編援含密眼睡槐剝癭剩空腔  
烟中定有誰篷客見我懸崖坐小窗

發烏兜驛行三十里天始明

睡起林鳥報晨征怯遠郵嵐蒸衣濕雨蟲抱葉鳴秋出  
谷呼明縕尋泉識暗流東南數峰曙披豁望虔州

贛州道中二首

嶺北萬重雲炎方氣候分弄簫吟木客擊鼓賽魑君素  
柰秋樊繞紅蘭午箭薰穀婆聲更苦斷續雨中聞章水石人出水名曰魑君土人皆祀之穀公穀婆贛地鳥名

犖确崎嶇路荒荒野埃殘烟生分水嶺風急對魚灘攬  
鏡新霜改登天遠道難萬山孤柝外敲枕夢長安

同年衛松崖明府惠儲茶一器賦贈

儲峰好鷗髻潭水碧羅染佳人比佳茗翠濕行雲淪大  
園擅風格名豈壑源掩年年踏春歌採摘競凌險玉纖

焙銀芽爲製竹爐鼻頭船入餅綱包貢遠無忝令君謫  
仙人行春擷苔厂一囊試歸煎方經自緡檢真清如官  
聲不受世塵玷伊余住人海鄉夢繞台剡雨前江帆開  
凝望歲空奄南征又徂暑燥吻畏西崦腸中踏蔬羊雷  
動惡寒儉每思渴羌豪持謝熱客砭逢君啟高齋招我  
剝冰犬臨行苦被肘欲去意翻賺都籃幸分致箸裹韡  
紋閃重緘未開封鼻觀香已漸酒醒飯正軟對此豁雙  
眨月瓢初翻泉風鼎欲生燄何須屑霏鹽徑學柯山點  
見曾幾詩幾自注  
云俗所謂衢點也

登八境臺

雉影分涵鏡裏屏天風攜我瞰疎櫺日銜鴉背千山赤  
城匝鰲身萬瓦青乘蹻獨來干氣象排闥誰與叫英靈  
梅花遠信秋難寄極目南荒涕泗零

城角交流章貢水簷頭平對鬱姑臺蒼涼萬里身初到  
突兀三層眼忽開雪捲灘聲驅石走雲扶塏影截江來  
戰場指點傷遺劫漠漠秋原塌井苔

下金雞嶺渡芙蓉江抵南康縣城作

初曦薄秋葢露草猶泣隰行衝石頭滑書擔壓藤笈盤

盤陟崇阿力怯步履澁崩橋俯旋復縛板亦粗葺清暉  
信多娛頗禁馬蹄急浮圖望稍長十里行未及芙蓉渺  
江水活汞不可汲芳華緬空洲奈此青滕濕稍生隔岸  
烟城小覆圓笠孤亭問前渡下有數艇集沙頭誰相要  
一鷺作人揖

過大庾嶺

峻嶺誰教問斧柯却分涼熱界山河磴攀井孔千盤上  
關劃星痕一綫過驛使路長梅信晚炎州天遠瘴雲多  
滔滔不盡樓船水只送南流奈爾何

曲江舟次東廣州趙松雲太守

五載音塵萬里塗此行喜得故人俱  
預愁促席辭難盡已覺扁舟夢不孤  
閉置最嫌新婦似逢迎還當惡賓無  
裁詩急喚滇江鯉先報風流趙大夫

定園中丞監臨試事闌中次法陶菴先生壁間石刻詩韻見示依次奉呈

桃李陰成滿日傍又從嶺海挈文綱  
登龍近接三台座立鵠齊瞻萬仞堂  
玉律頒條霜並肅銀毫染翰桂同香  
却慙獎借多逾分過眼空迷古戰場



奉和定圃中丞中秋卽事用陶菴先生元韻

良宵清漏滴痕移  
棘院森沉點筆時  
寒士歡顏秋月霽  
明窗佳句燭花知  
蜂房影矗東西舍  
魚鑰風清內外司  
咫尺扶胥接奇景  
聽潮虛擬和蘇詩

八月十六日試院夜集賦呈分校諸君二首

鎖院秋風澹鬢痕  
角聲如水動黃昏  
三年慣別西清月  
前年典試浙中去  
歲扈從木蘭今復奉使  
來粵不得于京邸度中秋者已三載矣  
十日新開北海樽  
鎖院來已十日因  
恐妨務未嘗宴集  
隔舍歌呼容脫略  
分曹甲乙互  
評論相看暗數心  
期在莫忘麻衣踏省門

紛紛束筍漸成堆  
眼底丹鉛次第催  
偶借煎茶徵雅會  
好憑浮白賞英才  
斗邊龍劍衝星躍  
海上鰲山跋浪開  
休待更闌翦銀燭  
案頭應有夜珠來

填榜口號

中丞押字鎮當頭  
看領霓裳月殿遊  
嚴鼓報更千戶徹  
繁星臨榜五花浮  
數峰湘浦神來助  
片玉崑山美並收  
採罷芙蓉獨惆悵  
有誰零落尙悲秋

鹿鳴宴畢疊次前韻賦呈定圃中丞二首

斗南佳氣映弧傍  
珠海親逢鐵作綱  
此日驂騑初得路

何人絲竹許升堂源知飲水韓蘇貴貢比充庭橘柚香  
願共諸生奉明教敢緣喫著試三場

明光憶聽履聲移萬里星槎奉謁時讀榜士多門下出  
各省典試多先生門下士登臺春向座中知日南草木威先動海內  
文章命有司歸去都人問君實清風爲誦兩篇詩

翁覃溪學使招登鎮海樓遊六榕光孝二寺用諸

城相國師舊作韻賦詩見示奉次二首

遠隨飛蓋陟危欄俯視蒼茫欲辨難蜃氣湧城千樹黑  
罡風吹瓦一樓寒檐垂雲葉啣金鐸礮臥苔衣繡鐵丸

極望炎荒感蓬跡去年踏雪遍烏桓

去歲是月方扈從木蘭故云

乘槎喜得訪君平導我來尋舍衛城門榜磔金迎面見

六榕寺額猶東坡手書

壇枝攢翠壓眉橫

菩提樹一株在光孝梁時智藥三藏自天竺攜

來所植

塔尋無縫何勞鑄

二鐵塔皆南漢時所鑄

播動非風了不驚

風旛堂爲六祖論風旛處

擬共穎師論指法琴牀空倚夕陽明

圓通上人

善琴時訪之不值

### 海珠寺

睥睨中流踏浪空驚波直打海門東沉鰲戴石千層出

翔鷁交帆四面通蜚女緩歌愁暮景蠻僧停唄起秋風

更攀烽火天南樹想像燒雲二月紅

翁覃溪學使從侯官林上舍見其祖吉人舍人所  
藏漢甘泉宮瓦因倣製爲硯并拓其文裝成行  
看子屬題其後爲賦長句一篇

阿房脈斷咸陽賈軹道來迎亞金主誰營宮闕文終侯  
缸壁中天覆雲雨未央複道通甘泉湧現蓬萊化人宇  
銀溝珠甃互層疊工二搏埴刮摩五吉文篆出龍鸞形  
兩已孤邪中句矩長生爲祈世曼壽常奉千齡閭今古  
纖兒撞破好家居一炬堪憐化焦土孤雲墮地埋秋蓬

風陶雨韞南山空侯官舍人昔好事亂疆手掇驚神工  
中央迴讀周四角叩之非石還非銅漢宮烟月磨不盡  
却入林家硯匣中八方翠墨競摸致銀鈎粉本光玲瓏  
朱多王好兩老翁題縑句炙抄謄同重綈什襲祕藏鏤  
子孫永寶貽無窮覃溪先生抱奇嗜一見摩挲不能置  
嶧山焚後多俗姿漢畫秦波此深契臥觀三日指俱化  
急琢雲肝訝神似頭銜別領萬石君銘背并識甘泉字  
烏絲闌界百碑磔骨力森張破餘地先生婣雅苞三蒼  
古意挽筆千鈞強羲娥撫拾笑潘薛蟲鳥掛漏罕歐陽

紛紛洪趙那比數手抉金薤羅琳瑯七年使節駐炎海  
搜岩剔谷無餘藏遺文摹勒陷深壁釵痕蠹尾圍長廊  
西齋晝靜聞響拓梧風撼紙霏清香卽看此硯文精良  
墨情石德交光芒延津龍劍倏雙躍世眼分別誰低昂  
何須更索林生本便是人間真乘黃

拱北樓遠眺作

直北星辰望

帝京雙門突兀倚秋晴鸞帆駕海浮層塔鴈翅排雲護  
夾城珠舶百夷開互市銀戈十國弔紛爭扶桑晞髮真

奇絕徑踏鼃鼃背上行

趙廣州雲松招同簡農部曹瓊州舒韶州泛舟珠  
江集海幢寺卽席賦贈二首

偶隨鷗鳥共忘機  
瓜艇乘潮拍浪飛  
篙眼點門江漲濶  
城根擘岸市聲稀  
布單禮塔仍三匝  
穿幔看榕盡十圍  
千指撞鐘迎太守  
雲山顛倒壞緇衣

佛桑零雨濕偏提  
藥盞茶鐺次第齎  
密葉翠蕙荷檻冷  
亂峰青闌笏牆低  
天涯酒社憐萍會  
物外香廬愛蟄棲  
不枉芒鞋踏南海  
貝多樹底一留題



珠江竹枝詞四首

艣慢篙輕不怕風  
鴉頭嬌小粉光融  
阿奴愛住檳榔艇  
染就唇邊別樣紅

賽罷金花娘子祠  
寒篷燈閃露華滋  
海心磨出團圓鏡  
來照三更卸髻時

珠江江水接波羅  
江上玲瓏一串歌  
欲把相思問紅豆  
蚌珠爭較淚珠多

湘裙不見覆雙鉤  
素藕凌波步步秋  
斜插玉簪花一簇  
盤鴉低擁學蘇州

雨中舟次中宿峽夜入飛來寺題山暉堂壁示雪

菴上人二首

苔侵峽寺鎖岩隈  
曛黑攀泥著屐來  
大樹霧屯秋樾暗  
連江雨洗暮匳開  
拖帆濕欲沉山翠  
迸澗喧爭裂地雷  
倚徙虛堂轉蕭瑟  
阮俞吹竹夜生哀

南禺雲接北禺雲  
細指盤陀夕徑分  
橋跨流香晴亦滑  
亭含飛雪夏常聞  
歸禽翅斂藤蘿色  
擊板聲穿虎豹羣  
重與阿師燒燭坐  
雨絲灑榜正紛紛

韶州九成臺晚眺

盤阿鳥道怯登臨清檻疎簾接暮陰衣袂乍寒五嶺色

江山長感九秋心沉輝影落雙梁直

韶州城外新巢鶴置浮橋二所

枝高亂葉侵莫向瀧頭問瀧吏笛聲猶怨武溪深

臺前臨武

溪水卽古樂昌瀧臺上有宋蔣之奇武溪行石刻

### 南雄郡樓別張蒙川太守

落葉輕催度嶺裝感君牽挽復登堂歸心緩泥三杯酒  
別鬢寒禁十月霜風雨隔年魚信遠關河幾驛鴈程長  
城頭一線中原路卻望京華似故鄉

### 滕王閣

南浦初停萬里艤扶桡獨上感年華江湖雨急寒征鴈  
城郭烟虛動落鴉絕域人歸留眼界閒愁天遣付詩家  
畫闌欲別頻延佇容易飛騰白日斜

篁村集卷六



孫男成沅謹重刊

篁村集卷七

上海陸錫熊耳山撰

古今體詩二十七首

陪瑤華主人遊盤山千相寺分韻得亭字二十韻

疊磴趨中谷連山拱翠屏客來扶棧度騎轉隔橋停石  
壓蹲蛟勢松盤舞鶴形繁花遲潑雨絕澗想奔霆蟻道  
方緣垣獅林忽建瓴雙竿承寶刹兩扇豁金釘雲氣晴  
浮瓦泉音晝入鈴香臺禽欲下講座虎曾聽海色連平  
楚天光動落星契真洞名開窗窈窕洗鉢池名貯清泠田俯僧

衣碧峯交佛髻青何人崇象設多事鑿巖局相好闕俱  
足名言理亦冥唐燈懸古厂遼碣剔殘銘興發還紆策  
幽尋更得亭拈毫逢邂逅隱几接芳馨遊許陪飛蓋才  
眞謝叩筵流連傳茗椀指點拓窗櫺歸路頻迴顧長吟  
到薄暝題詩崔顥在勝地媿初經

扈

蹕自烟郊至白澗馬上大雪作

萬帳風聲夜沈寥五更寒動馬蹄驕行人衣上三河雪  
吹過洶西尙未消

遊盤山古中盤作

紅關略約鎖迴溪  
逕轉峯腰路忽迷  
多謝山靈看生客  
松風扶我上丹梯

下盤直上接中盤  
夾路雲濤和響湍  
更向青龍橋畔望  
銀宮珠闕半天看

如玦雙崖一面圍  
紅牆古院欵松扉  
上方已到雲深處  
化作濛濛雨濕衣

翻身百尺俯崔嵬  
一笑投鞭躡碧苔  
我本江南老行腳  
幾曾走馬看花來



題蔣心餘前輩歸舟安穩圖

倣裝春仲已秋仲卜宅洪州定蔣州七品便酬宦事了  
半年重爲故人留文章館閣雙簪筆婦子江湖一釣舟  
漫向昔賢論出處有誰白髮勸歸休

送費芸浦太守之官江南

野色開曾郭離悰托短筵崢嶸逢夏序蕭瑟望吳天客  
緒歌驪外王程候雁先攬環重繾綣改席爲流連沼約  
匳光動亭規繖影懸扶桃攀樹出疊檻倚風便怕折婆  
娑柳欣依的皪蓮鐙翻茶沸眼車載麴流涎漉藕堆盤

潔浮瓜沁齒鮮坐深花側帽起舞月垂弦河朔歡仍戀  
江南夢忽牽握蘭辭楯立剖竹趁符傳嘶騎斜陽下征  
衫古驛前合并期落莫夙昔話纏綿自昨同朝喜難忘  
之子賢巾幘誇入雒冠蓋接游燕叔則行相照文昌走  
欲顛雲司例名士棘院有新篇斷獄公羊妙譚經五鹿  
專郎潛棲藥省地近應珠躔一挈青綾被長趨白玉磚  
崇朝催牘削隻日聽麻宣跡未承明厭文因上考填鳳  
池如暫奪鶯谷已高遷出牧依江介雄藩跨海壖青山  
供隱軾黃鳥勸行田邱吏驚朱綬邦人想翠旂二千太

守俸三十使君年壤况膏腴最疆惟緊望偏秋苗愁犢  
賣夜杼祝龐眠偃草思除薤懷冰勵酌泉才知展騏驎  
術詎化鷹鷂努力方行矣銷魂倍黯然番休同沐舍從  
獮並吟羈放易搏沙散留非印雪堅千秋叨未契三宿  
感深緣香火情終在萍蓬會莫愆何時共成佛此去儼  
登仙明發杯空把今宵燭尙圓思君似流水相送潞河  
船

題錢方壺先生照

先生學道人潛德契元想眷茲歲暮心陶勝亦獨往幽

蕤謝凋姿寒枿發新實情同孤雲停抱見明月朗閒居  
富珍旨坦步豁塵鞅履安托筇枝葆素懷鶴警時成白  
雪謠興在青霞上應龍已騫霄老鳳不嬰網哲謨清斯  
傳皓節貫無兩言偕鹿門隱自署五湖長天全適於物  
性繕得所養瞻圖企芳綦風流式吾黨

題阮裴園先生勺湖草堂圖三十六韻

禮樂文翁室烟波范蠡船典型前輩在圖畫後人傳學  
舍留初築儒林企大賢談經聞折鹿主席兆銜鱸絲竹  
東山舊簪裾北闕聯常時依玉署幾歲步花磚自擁湘

江節來鳴魯國絃坐風親絳帳立雪慰青瑣奉使名無  
敵思公涕尙漣詩因諗將母錄已就歸田別墅重開拓  
行窩競接延湖吞三面濶城枕一隅偏路轉遮堤柳橋  
平貼渚蓮雲扉容鶴守月幔狎鷗眠屋稱東西住籤羅  
甲乙全證書排漆簡點易啟韋編社恰招吟侶星宜會  
德躔援琴酬杜晦剪燭對彭宣言必衷諸聖人眞望若  
仙斯文寄壇坫此地足林泉喜逮登龍客悲深集鵬年  
壞垣秋雨後宿草夕陽邊共識亭林宅何慚有道阡門  
徒肅瞻禮父老劇流連記昨河魚上曾逢岸蟻穿狂沙

痕界壁飄瓦漏當筵蹟以懷人著工仍計匠便爭看勤  
粉堊不待率金錢太守停騑駘諸生抱槩鉛花明霞乍  
起松老繖交圓釋菜春秋盛傳芭伏臘虔辦香同有託  
樂石待深鐫想像鬚眉色清華水木緣亭臺原偶借陵  
谷那愁遷大雅常憑此靈光獨巋然藏山問道集還付  
草堂箋

題阮吾山秋雨停樽圖

圓缸一穗影初銷聽徹寒更煞麗譙入夜鰈魚心耿耿  
經秋別鶴路迢迢大官縹碧空今日中婦流黃尙此宵

不覺傷情對搖落淚痕和雨灑芭蕉

清樽雙影寫蛾眉愁說秦嘉上計時瑤醖滿浮親勸別  
金罍獨酌寄相思拔釵迢遞虛前事破盃分明失後期  
一卧長安念疇昔楚天如墨遠迷離

虛堂向夕掩重陰入手芳卮罷獨斟孔雀東南千里夢  
牛衣風雨十年心閃燈窗眼來吳語落葉簷牙助越吟  
贏得維摩太消瘦擁衾初覺二毛侵

滿紙西風挾雨聲董郎下筆勢縱橫寫來不學於菟派  
對此彌增伉儷情金屋炷檀熏小像石函繙貝懺多生

織練一樣人如玉還向樽前憶魏城

分賦得有竹莊送紀心齋先生南歸

石田老布衣名著高士錄當年翫迹占却薦適初服結  
廬相城里人境闢巖谷募疏手寫成乞種萬竿竹生綃  
搗烟霞賓履填戶軸至今想脩髯飄飄映餘綠如何塵  
外蹤乃受畫壁尋無名掛官府彌見獨行躅先生早通  
籍廿載寄朝祿出處跡雖歧風流趣堪續昨宵西塞夢  
飛落橫塘曲上書乞身歸投老此卜築遙知琅玕林中  
買數間屋閉門聽秋風蕭森憂寒玉通泉遠分笕劬勞



晚當肉道遙定長年先後儷清福應嗤都南濠但點讀  
書燭

題查恂叔所藏宋謝疊山橋亭卜卦硯

團湖坪前初潰師興亡一代由小兒年終三百豈待卜  
謝公抱硯將奚爲草間流離意良苦躡屨麻衣問何所  
橋下流水橋上亭猶剩趙家乾淨土鸛之鵠之活眼開  
滴淚暗動孤臣哀區區可語只片石江南早信無人材  
乙科射策經幾載國破家亡硯仍在可憐留草却聘書  
義取天山遯無悔建昌質子本宋臣厚顏銘字悲遺民

不祥名姓竟誰是硯乎毋乃遭緇磷沉霾既久水不齧  
重洗泥沙刻年月流傳圭角尙宛然想見平生忠義骨  
周生得之向客誇查侯一見爲咨嗟石交相期共終始  
報以瓊玖情無差荒原車過思腹痛瘴雨蠻烟遠包送  
採薇不食在此言一硯彌令世爭重嗚呼疊山大節匪  
石堅月東佳話今同傳查侯什襲慎守旃此人此硯皆  
千年

聽泉圖爲劍亭舅氏題

聞思了不礙禪心一道琤琮萬壑深耳畔似調絲竹肉

舌端能轉去來今忘機喝處嫌多事離相聾時見寂音  
試爲先生參活語水原無響更誰尋

賦得匠成翹秀

得多字

壬辰會試同考擬作

獨秀峴嘉幹豐翹受氣和門高迴匠顧器利識工多合  
豈煩繩削良真受琢磨材堪五鳳造載許萬牛過布畫  
心懸矩呈圍手應柯連雲看大厦蔽日想中阿就範逢  
般慶乘時謝薜蘿勉旃欽

睿訓殖學副經科

題李耘圃滇南遠行圖

一官注闕向蒙施如葉琴書壓擔隨雪裏驢鈴乘傳後  
梅邊鳬舄過家時廿年湖海吟身健萬里江山別路遲  
天遣先生開眼界碧雞金馬要新詩

題周東谷聽泉圖卽送之官中州

秋林雨歇天如洗萬籟蕭森碧鸞尾嗒然磐石坐忘形  
惟有斜陽對隱几棕履蕉衫動晚涼梧桐一葉下銀牀  
琴材到眼意自足况伴綠綺攜荷囊知君松月無邊想  
卧理直看契幽賞好向蘇門聽百泉操絃一鼓羣山響

題牛師竹舍人小影

松風謾謾吹香徑幾曲沙籠碧痕淨石牀無客蘚花寒  
啄木空山自相應舍人曉綴蛾眉斑下直歸來獨掩關  
小橋流水淡秋色人與鷺鷥相伴閒膝前文度方韶齒  
瑤珥瑜環美無比傳家知有經滿籛武庫春秋曲臺禮  
城南讀書何足奇驥子汗血真男兒他年雛鳳清聲遠  
早向圖中識衮師

賦得苦菜秀

薄言歌菜苦秀發滿原田滋味酸醎外冰霜閱歷先論  
心偏集蓼荊蒨不輸蓮炎上生因火芬成告自天挑來

茶鼓後罇向稻畦邊藥待良言報葑宜下體捐回甘飴  
可比補雅賈須箋膳廛沾

恩溥榮滋萬彙鮮

乙未新正三日蒙

恩召入

重華宮茶宴恭紀四律

蕊宮春宴啓芳朝

宣喚親承到九霄坐接夔龍行比鷺

自大學士領赫德以下入宴者二十

人臣得與焉

吟賡枚馬續同韶閣中列庋瞻周籍

時儒臣編次

天祿琳瑯因以

命題聯句

天上重來聽舜韶

臣自去年至今已兩度蒙

恩與宴

不分蓬萊初得

路

主恩稠疊冠詞僚

拂曉霓旌轉趨臺左廂重侍柏梁杯

是日

上幸瀛臺宴賜外藩王公

回宮卽命

宜入

毫宣玉案

賜座重華宮東廂

天顏近牋遞花磚日影催

上首唱二律  
宣示羣臣屬和

樂奏三終

呈法曲詩成七步費清才自慙窘迫同臣朔也捧君王

賜硯回

蒙賜蕉  
葉石硯一方

鐵題黃紙姓名香

寵賚頻頒出尚方清瀉玉壺盈沆瀣甘分寶榼綴餽餽

錦標萃古開珍秘

分

上閱石渠寶笈因賜入宴羣臣

芝朶迎年現

吉祥

各如意一枝

還許越窯攜翠色浴堂歸路滿輝光

時飲

三清茶以茶盞頒賜

命卽

先春苑柳弄輕妍柏子熏爐裊瑞烟令節乍過元會後

奏篇今到

聖人前叨榮敢說緣稽古領職眞思愧集賢從此酬知

更何地汗青努力檢瑤編



平定兩金川大功告成恭紀

七言古詩一百六十韻

維

天眷德

聖受命明堂執極臨樞璇寅承

謨

烈守兼創率履

王道游平平大濛卽敘越經宿蒲瀛葱嶽羅瑯嶸濮鉛

祝栗訖

聲教矧有蠢類如獯狁金川阻絕當兩川谿幽箐密紛

鈎連西山八國押蕃砦黑子影落天之邊冉駝白狗或  
餘種夜郎浮竹灰重然姜維城頭舊守捉十三部遠依  
峨犍桑門職貢紀演化百衆狎恰隨幢翦土官底簿闕  
族系塉黷茫昧同飛翮尖施黃黑辨娑葛靡當大小分  
旱拜嗟哉人面畜以獸

幬覆久沐

恩膏偏三宣六慰輦牙錯

王官受治無譙訐笮都耕鑿盡版籍蘖芽誰遣生螽蟥  
郎卡促浸昔首鸞恃險蘊毒潛吹扇豺聲蠹目跡始露

橙林棘路遭刊剝斯時澤旺聽穿鼻幽繫阿惡何孤辱  
飲關呼籲達

天闕

赫斯一怒剛辰蠲孤豚出穽復汝土

恩逾肉骨蘇枯瘳

黃鉞一下無處所褫斂悸魄行趑趄遮塗扶服稽厥角  
戴頭乞命祈哀憐好生

聖德並

天

地祝網蕩滌除污穢

詔書尺一下幕府旗門頓顙張降旛

皇仁寬大貲汝死期汝奉信綏疆埏豈知祝頂刻牓誓  
兩面反覆甘欺謾虺心未化倚窟害鷹眼欲掣離絛縱  
十年違順犯脣齒革布什咱驚爬揎綽斯甲布三雜谷  
血口呀呷流腥涎碁分諸部各肝膽雞肋不敵方張拳  
郎卡自斃剩遺育索諾木性彌梟鷂屯糞繕壁計持久  
萬蟻一穴爭趨羶時聞竊出盜種落水火日夜相熬煎  
聖心并包擴

天度謂是何足勞及鋌勤師遠涉非本願蠻觸之閔奚  
誅焉未妨玉斧畫大渡漫事湟陜遮先零爰

咨蠹吏申約束祇令帖息歸牢圜籌邊閫外幸無事一  
掌不塞流涓涓公然白晝跳踉舞磨牙談舌心無悛彼  
僧格桑乃怨耦匪寇婚媾旋交忤西封規併鄂克什闐  
達色拉圍其闔埋牲誦咒托修郤經歲屯結驅兇儼九  
頭夜嘯虎生翼百足曉聚夔憐蛇獠兒狂逞思反噬竟  
奮螳臂當輪駟

聖人曰嘻汝逆豎敢負卵育忘生全豨虵肆食意無厭

坐格符檄如遺捐維州橋邊飲戎馬誰造此曲聲流傳  
及今不翦坐滋蔓何以輯衆安聞編用兵事有不得已  
魑魅可使民逢旃六師奉

辭伐有罪堂堂建纛朱旂纒

天戈所指撥蒙翳巴朗拉曲先摧騫達圍資哩以次定  
披胷抉脅知膚癢達烏烏徑正庠豁囊鼓遙應聲齧齧  
由僧格宗破美諾半月直搗笥離弦狡童十步九顛蹶  
喙走跣跣追飛鳶舊巢復掃布朗郭伏莽薙盡無藿蘿  
羊腸詰曲穿美卧游魂假息還蝸跽促浸黨惡作捕藪

閉匿不聽長繩縶移師壓境翦角距雪山萬疊摩穹顛  
噓空一昔起妖霧前茅失道功迴還揚波書竹罪難罄  
憤懣氣結均靈顛定西將軍印如斗有

詔阿桂釐中權師仍西路更南路副以明亮分雙甄疏  
騰健銳嫻步伐索倫精甲思張卷大旗獵獵車聞聞其  
一敵萬徒七千將能將兵

帝將將敵愾壹意金同堅飲飛騎士會秦隴射生衙校  
微黔滇賜支子弟亦制挺宿飽踴躍攜旃銷重收趨拉  
靖反側

握機鑒秉珠囊懸形殊主客佇猜阻拾枿果不煩按擱  
谷噉風雷齊助陣緣溝一綫青裕裕五更軍聲聞鵝鴨  
踏雪直進花吹綿峭呀馬尼亦斗絕盾孔條忽搖金蓮  
卡卡角嶺斷行迹捫參歷井飛空仙賊鎗暗燄暗不發  
蠶叢闢道晴刻驟峯尖蔽虧羅博瓦白羽沒筈開神淵  
紛紜困獸短兵接躡徑肉薄靈姑褰先聲欲懾草木動  
砮匄競走豐隆鞭連山零雨濕輻軫濯甲早挽銀河游  
青泥盤盤暫休卒礮雲斷處晴光穿睢盱醜類尙死拒  
危礪如織排崆峒師徒扣怒志吞賊願肉爲食皮爲羈



將軍驛奏稟

宸算絕微

坐照猶堂筵山川曲折運

神筆咫尺不爽呈幾先喇穆喇穆勢繇互西峯削肋難  
梯縋鬼神無聲天宇黑半空突擊來題肩陟周日則攀  
了口當喉一瞥金戈挺專車朽骼遂輦送模糊暗辨積  
牙齧劍鋒旁指默格爾榮噶敗犂隨風旋蹴康薩爾塌  
重塹纔三晦朔衝殺鍵木思工噶唾掌得跂跂脈脈窮  
獬豸射沙躩踞防伺影遜克後路清藪淵攬身飛騰提

超距昆色頃刻成焦燁拉枯真比科上槁落星如雨鉛  
丸圓先時南軍北改旆宜喜奪隘乘機便日旁左右並  
埋鏑折箠甲索扔哇阡黃雲捲盡茹寨麥平坡一角開  
原田貌貅萬竈夾水陣筆簪隱隱河西孺勒烏圍迺賊  
右臂卽籠高下通闔鄺意將堅壁支旦夕牆築羊馬濠  
蚰蜒抵瑕擊實用奇計樹柵百道臨河沿轉經樓接冷  
角寺透渡無復划皮船鼃鼃暗踏橋柱圯臥波忽斷長  
虹眠曳柴相排壓層礪布囊重疊量沙填霹靂裂地出  
擊賊賊腦化作吹空烟月輪高高夜正午太白吐角垂

秋躔危窠瞬息付煨燼灌莽立散棲枝鸛我師乘勝更  
深入建瓴直走如奔泉三峯插霄亘西里雲根百丈都  
盧緣索隆科布布魯木一一震懼踣而偵朗阿古則朗  
噶克噶占首尾紛糾聯縱橫踰藉無頓刃看取妖血銜  
刀鮮雍中舍齊搜伏穀尻睢失據收衿咽青天白日不  
照汝獬羝枉自祠神祆噶依圍暈合三匝常山蛇勢環  
鞠卷河魚腹爛中自潰襁負屬道交躡蹠母姑已作猿  
在檻殃徒丐息芒生箔人熏鼠穴馬嚙尾喑汝殘喘安  
能延羅罟高張飛走絕投奔不斷通宵襲獨松馬邦趁

節解幕危鼎沸誰援揮徇軍睹千方殽鯨填隍智盛虛  
誕輝孤雛本是砧俎物詎比肉袒還羊牽開門浦伏就  
司敗兄弟扶曳偕拏遷擒生纍纍致戲下組以係頸索  
以攀將軍磨盾草捷奏署日丙午書之牋上言一鼓下  
逆壘洿瀦厥室夷爲暝仰遵

朝指布威信悉撫誘脅收鯨鱸下言執訊獲戎首盡族  
無一逃籌筌軍資器械別簿上謹奉露布飛輶輶牙旗  
票姚紅一點馳送八日來何遄遙通喜氣一萬里桃花  
寺裏桃關前劃區別壤設鎮戍統帥管鑰持麾專角聲

集  
和平吹落日營門擊櫟連疆幘巴歌渝舞大和會蘭干  
細布輸寶錢蠻童高臥放牛馬燒畬到處催耕佃風雲  
戰地一回首但見疊嶂青攬天恭惟五載紆

廟畫

宵旰纖悉勞茵氊

指揮貔虎一心力攀危涉阻忘胝胼軍儲轉運出

太府不破一秉民禾稍塗歌負戴樂和顧

慈膏稠渥安糜餐

德音念我士勤苦月請時復加廩廩三軍雷動如挾纊

髣漢感

澤詞謏譚春臺和氣滿春棧靈苗沃野春仟仟  
雷霆雨露備溫肅坐決

長策符莛藁

武成震疊萬萬禋赫耀召爽咸昭宣酬庸申  
命史祝冊五等疏爵光貂蟬凌烟畫贊錫

奎翰如作彝鼎銘南緯

珠邱祇謁告

宗

祖仗引

御蓋擎鮮扁鸞旂在泮

聖見

聖萬舞有繹陳嘉籩迎

釐岱頂奉

安輦天門日觀祥雲駢凱歸夾路聽桐鼓正及照眼榴  
花妍黃新莊南張

御幄杖杜

親勞王師還

午門立仗受俘馘以獻

廟

社儀文虔

徽稱臚慶崇

璽

牒朔曦會午輝芝挺禮成

頒制坐

前殿

恩浹海寓覃蠲蛭辟靡豐碑屹丈五虬蟠鳳翥



毫如椽磨崖

製作照荒裔永鎮龔俗丹青鐫羣臣晉頌

上功德敬奉

聖壽彌億年持盈保泰仰

冲旨猶凜夕惕朝乾乾小臣橐管職記注載

高遊

聖詞難詮萬分究一揆典實不數常武周詩篇

篁村集卷七

孫男成沅謹重刊